

Video as de bersntoler schual

Sono disponibili sul sito internet di Trentino TV e sulla Mediateca dell'Istituto Culturale Möcheno quattro filmati, che raccontano la scuola in valle del Fersina. Sul territorio infatti, si trova la scuola primaria, dove sono organizzate attività per l'insegnamento e l'utilizzo attivo da parte degli scolari della lingua di minoranza möchena.

I video coinvolgono persone del posto, insegnanti e operatori culturali. I quattro filmati consistono perlopiù in interviste, condotte da Trentino TV, in collaborazione con l'Istituto Culturale Möcheno e con il finanziamento della Provincia autonoma di Trento. Diversi i temi trattati: dalle attività promosse dall'Istituto Culturale Möcheno nella comunità al tema del plurilinguismo; da cenni sulla legislazione alle metodologie didattiche a scuola.

Trentino TV hòt araganommen viar video, ver za derzeiln de bersntoler schual. De video sa' gamöcht iberhaup va interviste pet de leareran va de earsteschual va Vlarotz, pet kulturalörbeter, ont pet lait van tol, as sa' gönge gaben en de earsteschual va Vlarotz, vil jarder vour. De video sa' kemmen gamöcht as balsch, ober an ettena interviste sa' pet lait van tol as bersntolerisch; de hom de untertiteler as balsch. De doin interviste sa' voll va informazionen, as de schual ont as de gönze bersntoler kultur aa. De doi naörbet ist kemmen gamöcht geltsgott en de zömmörbet van Bersntoler Kulturinstitut, pet de unterstitz va de Autonome Provinz va Trea't. De interviste sa' pfiart van Gabriele Buselli va Trentino TV.

Geltsgott en de doin video, s ist moglech zaan balsipil za kennen de schual van a vòrt; ólta bersntolern gönge za schual en de visker jarder, derzeiln en de kleáner abia as ist gamöcht gaben de schual en de sèlla zaitn. Dóra, de leareran va de earsteschual va Vlarotz derzeiln abia as de móchen kennen s bersntolerisch en ölla de sa'na schuler. Nét ölla de kinder von tol klöffen oder verstea's bersntolerisch; de leareran móchen sa spiln ölla zömm, ont en de glaiche zait de learnen en de sproch minder kennt aa.

An öndern tema ist der sèll va kennen mearer sprochen. Der president van bisschöftkomitat van Bersntoler Kulturinstitut Federica Ricci Garotti derklärts as kennen mearer sprochen hilft za learnen dòra an öndera sproch: de zait za learnen sa kemmen



Kirzer. En an öndern punkt, der video lòk kennen aa de gschicht van gasetzn as hom tröng, pet de jarder, en de réchtn as biar hom haitzegento. S gasetz van jor 2008 ist gaben runt bichte ver de sprochen minder kennt: s hòt stitzi stunnunen va lear va bersntolerisch en de earsteschual, ver ölla de vinf klassn. De video geat envire pet a stickl dedicart en Bersntoler Kulturinstitut: der viarer van institut ont de kultural mitörbeter lóng kennen abia as s institut örbetet

zömm pet de schual. Zan balsipil, s hòt stitzi de druck va didaktischa heftler, ver za kennen de sproch va minderheit; derzua, s institut stitzi de untersuach as de tschrimsproch. S Bersntoler Kulturinstitut hòt as organisiert an austell kan sa' sitz: de vourstell temen abia de gschicht va de gamoa'schöft ont de sproch: de ist runt pasuacht prope von kinder van schualn, abia didaktischn strument ver za kennen de sproch. De schuler van zboateschual va Persn kemmen finz

kan institut öll souvle, prope ver za pasuachen de austell; asou de learnen vil naia söchen as de bersntoler gamoa'schöft.

De enteressiartn en de doin video meing sa schaung as de Mediatek van Bersntoler Kulturinstitut asa sa' sitz. De meing sa schaung aa as de internetsait van Trentino Tv.

NICOLA OBEROSLER

AN TRÈFF ORGANISIART VA DE FEDERAZION SCHÜTZEN VAN SUDTIROL

Denken Andreas Hofer



Foto Archivio Ufficio Stampa PAT

va de vrai'schöft Porta Giulia Paolo Predella, der provinzialasesor van Trentin Simone Marchiori, der pirgermoaster va Calliano Lorenzo Conci ont der sèll va Salorno Roland Lazzeri.

Der to van gaden van Andreas Hofer ist u'gaheift

en plòtz bou as er ist kemmen tschossn, as de 20 van hourneng 1810. Semm ist aa kemmen gamöcht anlearplötz, ver za kennen pesser s lem van Andreas Hofer. Dóra, hòt se gahölt de sfilata durch en de ben va de stött. Zan leistn, de

autoriteten sa' gönge en görtn van palazzo d'Arco, der plötz bou as der Andreas Hofer ist kemmen tröng vour en kriegtribunal.

Der trèff ist an moment ver za vinnen se zömm ont gem bërt en de zömmörbet zvisch kulturn. Derzua, der doi trèff ist bichte ver za tsbinnen en de sa'na tröchtn ont en de sa' identitet. De gschicht van Andreas Hofer hòt vil za learnen en de lait, haitzegento aa. Der hòt pfiart de tirolischn schaldöttin keing en de sèln va Napoleone, as hom pöckt gahöp de eirter van Tirol pet de kröft. Vil lait van Trentin hom aa toalganommen en krieg, zömm pet de tirolischn schaldöttin ont der Hofer. Zan earstn, der hòt gabungen, dòra a ker as de vòrt hom gabungen de schaldöttin va Napoleone, finz as de hom en pöckt ont tröng vour en frankraiche kriegtribunal. As de 20 van hourneng 1810 er ist kemmen tschossn. Haitzegento zaan an glick biar lem pessera zaitn, ont s gaden van Andreas Hofer ist bichte ver za stitzen de zömmörbet zvisch kulturn.

Derbail en trèff ka Mantova, der inger provinzialasesor Simone Marchiori hòt kein as, zan an glick, haitzegento biar miasn nèt verliarn s lem ver za schutzn de ingern tröchtn ont identitet. Dös ist moglech aa geltsgott en de inger autonomi. En de ingern zaitn - ist envire gönge der asesor - biar hom s vourstea' za denken ont stitzen de ingern tröchtn, asou as de schelltn nèt kemmen vergesssn.

NICOLA OBEROSLER

S Bersntoler Kulturinstitut suacht mitörbeter ver de sai'na musealnsitzn

Nou bea'ne zait ont de sitzn van Bersntoler Kulturinstitut barn bider kemmen augatu'. De sitzn van institut sai' viara: der Filzerhof, bou za kennen s lem va öllo van a bersntoler familia van a vòrt; de sog van Rindel, plötz bou as sa' kemmen tschnitn pa'm ver za móchen vlecken, geltsgott en de kröft van bòsser van pöch Balkof, as keart s ro as meivert de sog; de mil va Oachlait, bou as de lait sa' gönge ver za moln der boaz, de gerost on asou envire; ont der sitz van institut, bou as s hòt an austell, offet s gönze jor, ver za kennen de bersntoler kultur ont gschicht.

Vour za autea' de tñr en de pasuacher, s institut öll jor suacht mitörbeter, pegaistert va de bersntoler kultur, ver za gem s guatkemmen en

de pasuacher, ont lóng en kennen de gschicht ont de kultur va de inger gamoa'schöft. De enteressiartn meing vrong en Bersntoler Kulturinstitut mear informazionen. De kandidatn miasn hom mear as öchtzen jor, pesser men de kennen de kultur va de minderheit, s bersntolerisch, s taitsch ont s englisch. S institut organisiert öll jor an kurs ver za lóng kennen en de nain mitörbeter abia as de örbet kimmp gamöcht. Derzua, s ist pesser za hom schoa' gaörbetr en musealnsitzn; s ist bichte za hom an auto, bavai de viar sitzn sai' nèt glaim oa'n en önder. De kandidatn miasn sai' vrai ungefér va obrel finz en schanmikeal, bavai de doin sai' de offsetzaitn van musealnsitzn.



Letrat BKI